



Broj: 01-51/17
Vareš, 28.02. 2017. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj : 46/09 i 51/09), člana 64. stav 13. Zakona o zdravstvenoj zaštiti („Službene novine FBiH“, broj: 46/10 i 75/13) i člana 22. Statuta Općine Vareš (prečišćeni tekst) , broj: 01-162/12 od 11.09.2012.godine, na prijedlog Općinskog načelnika, Općinsko vijeće Vareš na 4. sjednici održanoj 28.02. 2017. godine, d o n o s i

O D L U K U

o izmjenama i dopunama Odluke o utvrđivanju visine naknade članovima Upravnih odbora Javnih ustanova čiji je osnivač Općina Vareš

Član 1.

U Odluci o utvrđivanju visine naknade članovima Upravnih odbora Javnih ustanova čiji je osnivač Općina Vareš, broj: 01-102/14 od 31.03.2014. godine u članu 3. tačka 1. u alineji a) broj „80,00“ zamjenjuje se brojem „200,00“ i u alineji b) broj „60,00“ zamjenjuje se brojem „150,00“ .

Član 2.

U članu 5. iza riječi „člana 3.“ dodaju se riječi „tačke 2.i 3.“
U istom članu dodaje se novi stav 2. koji glasi :

„Naknada predsjedniku i članovima Upravnog odbora iz člana 3. tačke 1. ove Odluke isplaćuje se mjesečno iz sredstava utvrđenih finansijskim planom JU „Dom zdravlja“ Vareš “.

Član 3.

Ova Odluka stupa na snagu osmog dana od dana objavljivanja na oglasnoj tabli Općine Vareš i primjenjivat će se od 01.03.2017. godine.

**PREDSJEDAVAJUĆI
OPĆINSKOG VIJEĆA**

Kenan Kamenjaš

Ova Odluka objavljena je na oglasnoj tabli Općine Vareš dana 02.03. 2017. godine.

OPĆINSKI NAČELNIK

Zdravko Marošević

O B R A Z L O Ź E N J E

Odluke o izmjenama i dopunama Odluke o utvrđivanju visine naknade članovima Upravnih odbora Javnih ustanova čiji je osnivač Općina Vareš

I – PRAVNI OSNOV

Pravni osnov za donošenje ove odluke sadržan je u članu 64. stav 13. Zakona o zdravstvenoj zaštiti broj: 46/10 i broj : 75/13, u kojem je propisano da mjesečnu naknadu za rad predsjednika i članova Upravnog odbora zdravstvenih ustanova utvrđuje Općinsko vijeće na prijedlog Općinskog načelnika, i u članu 22. Statuta Općine Vareš (prečišćeni tekst) broj: 01-162/12 od 11.09.2012. godine, gdje su utvrđene nadležnosti Općinskog vijeća.

II – RAZLOZI DONOŠENJA

Na inicijativu menadžmenta JU Doma zdravlja Vareš, načelnik predlaže da se izvrše izmjene i dopune navedene odluke u dijelu koji se odnosi na naknadu za rad u Upravnom odboru JU Doma zdravlja Vareš, u cilju približnog ujednačavanja naknada za rad članova Upravnog odbora JU Doma zdravlja Vareš sa ostalim zdravstvenim ustanovama na nivou Zeničko – dobojskog kantona.

III – SREDSTVA ZA PROVOĐENJE ODLUKE

Finansijska sredstva nisu potrebna iz budžeta Općine Vareš, jer ista isplaćuje JU Dom zdravlja Vareš i utvrđena su finansijskim planom te ustanove.

OVLAŠTENI PREDLAGAČ
Općinski načelnik

Zdravko Marošević